



四川大學古籍整理研究所編

儒藏

史部
第一三五冊

四川大學出版社



四川大學古籍整理研究所 編

儒藏·史部

儒林史傳

第三十五冊

四川大學出版社 二〇〇八年

國家「211工程」重點學科建設項目

國家「985工程」創新基地規劃項目

中國孔子基金會重大項目



儒藏

目
錄

目
錄

理學正宗 清·寶克勤 編撰

.....

理學正宗

清·竇克勤編撰

周斌點校

吳洪澤一審

李文澤二審

清康熙刻本

《理學正宗》十五卷，清竇克勤編撰。康熙刻本。

克勤（一六五三—一七〇八）字敏修，號敬菴，河南柘城人。康熙壬子（一六七二）舉於鄉，任南陽府泌陽縣教諭。泌邑小而僻，兵燹之後，民鮮知學，士習不振，克勤倣朱子白鹿洞規而擴之，分立五社長，各置勸善規過簿，月朔稽善過而勸懲之。又立童子社，少者讀《孝經》、《小學》，每月初五日習禮儀，少長讀《五經》、《性理》，人皆興行。公餘擁書自娛，饘粥不給，晏如也。康熙戊辰（一六八八）成進士，改庶常。以內艱家居，執經問學者接踵。因念有宋四大書院，而中州居其二，西曰嵩陽，東曰應天，耿介已葺嵩陽，而應天湮沒無可問，深以爲憾。雖居室狹隘，而捐貲創朱陽書院於柘城東門外，躬親課業，悉踵泌陽之法，士林多所成就，崇實學者日衆。服闋，授翰林院檢討，益肆力於經史。以疾作，乞假歸里。殫力書院，增其式廓，爲經久作人之計。舊士重集，新學踵至。於侍親寢膳之餘，優游訓迪，有終焉之志。未幾，卒。康熙四十七年（一七〇八）祀鄉賢。克勤爲學以不欺爲本，性喜成就後學。幼嘗與睢陽湯斌、嵩陽耿介往復商確正學，士林宗之。所著除此書外，尚有《孝經闡義》、《尋樂堂日錄》、《尋樂堂家規》、《事親庸言》、《泌陽學條規》等。

是編列宋周敦頤、張載、程頤、程顥、楊時、胡安國、羅從彥、李侗、朱熹、張栻、呂祖謙、蔡沈、黃榦、元許衡、明薛瑄，共十五人，人各一卷。各卷先錄傳記，次則摘鈔語錄、答問及著作之切於講學者，末附前賢評論（低一格）及己見（雙行夾注）。於《太極圖》及《通書》釋之尤詳。蓋全書以太極融會貫徹於始終。

是編以朱子爲宗，李侗以上開其緒者也，黃榦、蔡沈以下衍其傳者也，胡安國、張栻、呂祖謙皆互相羽翼者也。克勤《自序》又云：「尚有邵康節、蔡元定二公之書，俟學者既通六經、四書而後可及。」蓋二人之學皆主於數，與主理者又小別耳。

理學正宗序

聖學本天。天者理而已矣。自上古龍馬負圖、以出於河、伏羲則之、中宮五數、大中至正、實開萬世理學之祖。堯舜禹相授受、衍爲心傳十六字、而要歸於精一。

執中。夫中者、正也、固已示人以
承宗之標的矣。禹以是傳之湯、
湯以是傳之文武周公、此皆達
而在上者也。至吾夫子、則雖不
得其位、而刪定贊修易詩書禮
樂春秋、集群聖之大成、其平日



與門弟子言曰仁曰孝、蓋仁爲
元善之長、而孝爲百行之原也。
又曰敬曰恕、蓋體驗擴克之實、
不越戒懼操存之際也。又曰知
曰行、蓋窮理盡性之微、卽在日
用倫常之間也。此洙泗淵源所

以有理有學而扶植人心維持
世道使大中至正之極常運行
於天地之間而不息也。曾子子
思孟子得其宗而言明明德即
言格物致知言天命之性即言
修道之教言仁義即言孝弟。蓋



六經之後、復有四書、體用一原、
顯微無間。理學正宗、無逾於此
者也。孟子沒、而其傳寢失、或流
於虛無寂滅、或鶩於權謀功利、
或賢智之過、不安於中庸、假異
端之似、以亂吾儒之真。夫學術

本於人心。人心關乎世道。正學
不明。此人心漓漓。世道升降之
所由係也。靜庵先生每言及輒
憂之。非一日矣。乙丑秋八月三
過嵩陽。流連四十日。博觀理學
諸書。手抄成帙。謂孔孟以來言



正宗者、必以宋儒爲斷、而宋儒
必以周程張朱爲歸。周子太極
一圖、深得吾夫子繫易之旨、而
主於中正仁義、立人極。程子表
章學庸語孟、四書之名、始見於
此。張子西銘、謂仁人事天、當如

孝子事親、與孔門言仁、言孝相
符。朱子於四書則有章句、或問、
集註、於詩則有傳、於易則有本
義、由是聖道燦著、如日中天、舉
異端邪說爲吾道害者、悉掃蕩
而廓清之。識者謂朱子集諸儒

之大成有以也。然程子正宗實自龜山載道而南、由豫章延平以傳之朱子。朱子正宗實自勉齋受深衣之託、以傳之何王金許。此似續脉絡之不爽者也。易取麗澤在於朋友講習。南軒、東

萊、當鵞湖同異離合之會、獨能
見道精確、與朱子聲應氣求、詳
加叅訂、均爲有功聖道、夾輔正
宗者也。聖人之道、備載六經、春
秋爲吾夫子親手筆削之書、而
王安石敢肆詆毀、學宮不設、博

士經筵不以進講、科目不以程才。康侯力砥中流、潛心二十年、始爲傳以行於世。九峯書傳承父師未竟之緒、闡明二帝三王之治法心法、此皆尊崇聖經羽翼正宗者也。魯齋當聖遠言湮